

***Tarikh Dibaca: 03 Februari 2017***

# **KHUTBAH JUMAAT**

***Tajuk:***

***“KARAM DI LAUTAN KESESATAN”***

***\*\*\****

***Terbitan:***

***Unit Khutbah***

***Bahagian Pengurusan Masjid***

***JABATAN AGAMA ISLAM SELANGOR***



## **SENARAI AHLI JAWATANKUASA KHUTBAH NEGERI SELANGOR 2017**

- 1. SS. Dato' Haji Haris Bin Kasim (Pengerusi)**  
**Pengarah Jabatan Agama Islam Selangor**
- 2. SS. Dr. Haji Anhar Bin Haji Opir (Ahli)**  
**Timbalan Mufti, Jabatan Mufti Negeri Selangor**
- 3. Tuan Haji Idris Bin Ramli (Setiausaha)**  
**Ketua Penolong Pengarah, Bahagian Pengurusan Masjid, JAIS**
- 4. Yg. Berbahagia Prof. Madya Dr. Osman Bin Sabran (Ahli)**  
**Pensyarah, Universiti Selangor**
- 5. Tuan Haji Hamid Bin Md Isa (Ahli)**  
**Pensyarah, Kolej Universiti Islam Selangor**
- 6. Tuan Haji Md. Sahari Bin Abdullullah (Ahli)**  
**Ahli Jawatankuasa Fatwa Negeri Selangor**
- 7. Tuan Haji Abdul Halem Hapiz Bin Salihin (Ahli)**  
**Ketua Penolong Pengarah, Bahagian Penyelidikan Dan Pembangunan**
- 8. Ustaz Muhammad Farhan Bin Wijaya (Ahli)**  
**Imam Besar Masjid Sultan Salahuddin Abdul Aziz Shah**
- 9. Ustaz Indera Shahril Bin Mohd Shahid (Ahli)**  
**Pegawai Majlis Agama Islam Selangor**
- 10. Ustaz Hairol Azmi Bin Khairudin (Urusetia)**  
**Penolong Pengarah Unit Khutbah, BPM, JAIS**



## "KARAM DI LAUTAN KESESATAN"

صَلِّ  
الْحَمْدُ لِلَّهِ الْقَائِلِ: مَنْ يَهْدِ اللَّهُ فَهُوَ الْمُهْتَدِي وَمَنْ  
يُضِلِّ فَأُولَئِكَ هُمُ الْخَاسِرُونَ<sup>1</sup>  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ  
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى  
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا  
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ وَإِيَّايَ  
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا  
الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ  
مُسْلِمُونَ.

<sup>1</sup> Al-a'raaf ; 178



## **Muslimin yang dirahmati Allah sekalian,**

Bersempena perhimpunan mingguan seluruh umat Islam hari ini, saya berpesan kepada diri saya dan menyeru muslimin yang dikasihi sekalian, marilah kita meningkatkan keimanan dan ketaqwaan kepada Allah SWT dengan mematuhi dan melaksanakan segala perintah-Nya dan menjauhi setiap larangan-Nya. Semoga kita sentiasa berada dilandaskan akidah yang betul dan tidak terpaut dengan golongan yang sesat lagi menyesatkan.

Mimbar Jumaat pada hari ini akan menyampaikan khutbah bertajuk: **"KARAM DI LAUTAN KESEATAN"**.

## **Hadirin sekalian,**

Umat Islam wajib menjaga akidah dengan baik dan sempurna. Penjagaan akidah dengan baik dan sempurna adalah matlamat terpenting antara matlamat utama pensyariaan Islam iaitu menjaga agama, nyawa, akal, keturunan dan harta. Semua ini dinamakan sebagai Maqasid al-Syariah yang mana ia akan tercapai apabila syariat Islam diamal dengan baik dan sempurna. Oleh itu, penjagaan akidah adalah amat penting bagi menjamin kemaslahatan beragamaan umat Islam sepertimana kita bersungguh-sungguh menjaga agama, nyawa, akal, keturunan dan harta. Demikianlah kepentingan Maqasid Syariah (مَقَاصِدُ شَرِيعَةٍ) dalam menjamin kemaslahatan beragama umat Islam supaya tidak terperosok dalam kancah kesesatan dan penyelewengan yang akhirnya membinasakan kehidupan kita di dunia dan akhirat.

Apa sahaja perbuatan yang boleh merosakkan akidah seseorang, hendaklah disekat dan dicegah dengan berkesan mengikut undang-undang. Allah SWT memerintahkan kita semua mengikut ajaran Islam, dan jangan



mengikuti ajaran-ajaran yang lain yang akan menyesatkan kita dari jalan kebenaran. Firman Allah SWT dalam surah al- An'am ayat 153;

وَأَنَّ هَذَا صِرَاطِي مُسْتَقِيمًا فَاتَّبِعُوهُ وَلَا تَتَّبِعُوا  
السُّبُلَ فَتَفَرَّقَ بِكُمْ عَنْ سَبِيلِهِ ۚ ذَٰلِكُمْ وَصَّاكُم بِهِ  
لَعَلَّكُمْ تَتَّقُونَ ﴿١٥٣﴾

*"Dan bahawa sesungguhnya inilah jalan-Ku (agama Islam) yang betul lurus, maka hendaklah kamu menurutnya; dan janganlah kamu menurut jalan-jalan (yang lain dari Islam), kerana jalan-jalan (yang lain itu) menceraiberaikan kamu dari jalan Allah. Dengan yang demikian itulah Allah perintahkan kamu, supaya kamu bertaqwa".*

### **Muslimin yang dirahmati Allah sekalian,**

Ajaran sesat ialah sebarang ajaran, fahaman atau amalan yang didakwa sebagai ajaran Islam, sedangkan ianya bukan daripada ajaran Islam, bahkan bertentangan dengan al-Quran dan al-Sunnah serta pegangan Ahli Sunnah Wal Jamaah.

Sehingga tahun 2016, Jawatankuasa Fatwa Negeri Selangor telah memfatwakan sebanyak 41 ajaran atau fahaman yang sesat dan menyeleweng, antaranya ialah Qadiani, Syiah, Liberalisme agama, Millah Abraham, Hizbut Tahrir, Kumpulan Negara Islam Indonesia, Tariqat Naqsyabandiah Khalidiah di bawah pimpinan Md. Aleh Solihin, Tariqat Naqsyabandiah Kadirun Yahya dan banyak lagi.



Bagi memastikan setiap fatwa berkaitan ajaran sesat diketahui oleh masyarakat, maka Jabatan Mufti Negeri Selangor sentiasa meningkatkan program penerangan fatwa untuk memberi kesedaran dan pendidikan kepada masyarakat melalui Program Mesra Ummah bersama Jabatan Mufti Negeri Selangor, khutbah jumaat, seminar kefatwaan, hebahan fatwa melalui Sistem Pesanan Ringkas (SMS), poster, banner serta billboard fatwa di setiap daerah.

### **Hadirin yang dikasihi Allah sekalian,**

Antara faktor yang mendorong seseorang itu terjebak dengan ajaran sesat ialah kejahilan dalam memahami dan mengamalkan ajaran Islam yang sebenar. Selain itu, faktor Iman yang lemah juga akan menyebabkan mereka mudah terpengaruh dengan pujukan dan hasutan golongan perosak akidah yang mungkin berselindung disebalik imej Islam.

Golongan ini mengajak orang ramai menyertai ajaran mereka dengan mendakwa mendapat kelebihan-kelebihan yang luar biasa, mendapat kemuliaan serta mendapat ganjaran dan fadhilat-fadhilat tertentu dengan menggunakan kekuatan batin, sihir (ilmu hitam) dan sebagainya.

Terdapat juga individu yang mempunyai kepentingan diri untuk mendapatkan kedudukan, pengaruh, harta, wanita dan sebagainya dengan jalan yang mudah melalui kesetiaan para pengikut yang sanggup berkorban apa sahaja demi memenuhi nafsu batin pemimpin mereka.

### **Muslimin yang dirahmati Allah,**

Sebelum tersilap langkah, sebelum karam di lautan kesesatan, sebelum hati dipateri dengan penyelewengan, maka mimbar ingin menasihatkan umat Islam agar sensitif dan mengambil peduli ciri-ciri bagi sesebuah ajaran sesat.



Ini penting supaya kita menyedari lebih awal, seterusnya mengelak daripada menjadi mangsa kepada individu mahupun kumpulan yang bertopengkan Islam tetapi membawa ajaran sesat demi memenuhi kepentingan peribadi.

Terdapat 216 ciri ajaran sesat yang wujud dan antara ciri utama ajaran tersebut yang sama dalam kebanyakan ajaran sesat ialah:

1. Memesongkan pentafsiran ayat Al Quran;
2. Tidak wajib melakukan solat Jumaat;
3. Mendakwa perlu membayangkan wajah guru ketika beribadat ;
4. Menggunakan buku yang bertentangan dengan hukum syarak;
5. Mengubah dan menyeleweng zikir-zikir bersesuaian dengan ajaran;
6. Mendakwa ajaran mereka adalah wahyu dari Allah;
7. Menambah atau menterjemah syahadah dengan sendiri;
8. Mengkafirkan orang lain yang tidak mengikut ajaran mereka;
9. Mempercayai pengamalan nikah batin ;
10. Mendakwa diri (guru) sebagai Imam Mahdi;
11. Mengamalkan taqiyyah iaitu berpura-pura mengamalkan Islam.

Justeru mimbar ingin menasihati setiap anggota masyarakat agar memahami dan menyedari ciri-ciri yang telah disebutkan supaya tidak hanyut dan karam dalam lautan kesesatan.

Firman Allah SWT dalam surah an-Nisa' ayat 44;

أَلَمْ تَرَ إِلَى الَّذِينَ أُوتُوا نَصِيبًا مِّنَ الْكِتَابِ يَشْتُرُونَ  
الضَّلَالََةَ وَيُرِيدُونَ أَن تَضِلُّوا السَّبِيلَ ﴿٤٤﴾



“Tidakkah engkau memerhatikan (Wahai Muhammad) orang-orang yang telah diberikan sebahagian dari kitab, mereka memilih kesesatan (dengan meninggalkan pertunjuk Tuhan), dan mereka pula berkehendak supaya kamu juga sesat jalan”.

### **Muslimin sekalian,**

Percayalah, tiada jalan pintas ke syurga. Tiada pahala percuma tanpa ibadah yang berpaksikan kepada akidah yang benar. Sedarlah! melibatkan diri dalam ajaran sesat tidak akan mendatangkan kebaikan melainkan kesan buruk kepada diri, keluarga, masyarakat dan Negara. Ia akan menjerumus kepada perpecahan kerana sifat fanatik ahli kumpulan dan pemimpin mereka sehingga tidak menghormati masyarakat sekeliling. Lebih menggerunkan lagi bilamana sesuatu ajaran itu boleh mengancam keselamatan negeri dan negara akibat pengikutnya yang bersifat ekstrem, menyalahafsirkan konsep jihad dan sanggup memerangi orang yang tidak sehaluan dengan kepercayaan dan pegangan mereka sebagaimana kes pembunuhan terhadap Ketua Penguatkuasa Agama yang telah dibunuh oleh pengikut ajaran sesat tuhan Harun beberapa tahun yang lalu.

### **Muslimin yang dirahmati Allah sekalian,**

Langkah-langkah pemantauan, pencegahan dan penguatkuasaan telah dan sedang giat dilaksanakan oleh pihak berkuasa agama terhadap mana-mana pihak yang melibatkan diri dalam ajaran atau fahaman yang telah diwartakan sebagai sesat dan menyeleweng. Mana-mana orang Islam yang didapati terlibat dengannya, boleh diambil tindakan di bawah undang-undang yang berkuatkuasa di negeri ini.

Demi menjaga akidah sesama umat Islam, masyarakat setempat juga perlu berperanan menyalurkan maklumat kepada pihak berkuasa agama,





sekiranya terdapat ajaran atau fahaman yang mencurigakan di tempat masing-masing.

Mengakhiri khutbah minggu ini, mimbar Jumaat ingin menyeru dan merayu para Jemaah supaya memberi perhatian kepada beberapa perkara berikut;

1. Umat Islam hendaklah menjauhi dan menolak setiap ajaran dan fahaman yang menyalahi akidah dan amalan Ahli Sunnah wal Jamaah.
2. Umat Islam hendaklah mendalami ilmu agama daripada guru-guru yang bertauliah serta diyakini pengajarannya yang benar dan tepat.
3. Umat Islam hendaklah melengkapkan diri dengan kefahaman Islam yang betul dan menyuburkan roh agama dalam jiwa anak-anak supaya tidak terpedaya dengan anasir-anasir sesat.
4. Umat Islam yang terlibat dalam mana-mana ajaran sesat hendaklah segera bertaubat, meninggalkan ajaran tersebut dan tidak menyebarkannya lagi.

أَعُوذُ بِاللَّهِ مِنَ الشَّيْطَانِ الرَّجِيمِ  
الَّذِينَ يَسْتَحِبُّونَ الْحَيَاةَ الدُّنْيَا عَلَى الْآخِرَةِ  
وَيَصُدُّونَ عَنْ سَبِيلِ اللَّهِ وَيَبْغُونَهَا عِوَجًا أُولَٰئِكَ فِي  
ضَلَالٍ بَعِيدٍ

"Orang-orang yang mengutamakan dunia lebih daripada akhirat, dan menghalangi manusia dari jalan agama Allah, serta menghendaki jalan itu



menjadi bengkok terpesong, mereka itulah orang-orang yang terjerumus ke dalam kesesatan yang jauh terpesongnya".

(Ibrahim ; 3).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي  
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلَ  
مَنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.  
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ  
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ  
الْغَفُورُ الرَّحِيمُ



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ  
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ  
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا  
بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ  
بِتَقْوَى اللَّهِ فَقَدْ فَازَ الْمُتَّقُونَ.

**Sidang Jumaat yang dirahmati Allah SWT,**

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Pada masa yang sama kita juga disaran supaya menjauhi sebarang bentuk fahaman sesat dan perbuatan ekstrim yang kesannya akan menjejaskan keharmonian, perpaduan dan keselamatan ummah dan Negara.



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ  
الرُّسُلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ  
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ  
مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ إِنَّا  
نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ  
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ  
بِعَيْنِ عِنَايَتِكَ الرَّبَّانِيَّةَ وَبِحِفْظِ وَقَايَتِكَ الصِّمْدَانِيَّةَ،  
جَلَالَةَ مَلِكِنَا الْمُعَظَّمِ سُلْطَانَ سَلَاطُورٍ، سُلْطَانَ  
شَرَفُ الدِّينِ اأدريس شاه الحاج ابن المرحوم



سُلْطَانُ صَلَاحُ الدِّينِ عَبْدِ الْعَزِيزِ شَاهِ الْحَاجِّ. اَللّٰهُمَّ  
اَدِمِ الْعَوْنَ وَالْهِدَايَةَ وَالتَّوْفِيقَ، وَالصِّحَّةَ وَالسَّلَامَةَ  
مِنْكَ، لَوْلِيَّ عَهْدٍ سَلَاطُور، تَغْكُو اَمِيرَ شَاهِ ابْنِ  
السُّلْطَانِ شَرْفُ الدِّينِ اَدْرِيسِ شَاهِ الْحَاجِّ فِي اَمْنٍ  
وَصَلَاحٍ وَعَافِيَةٍ بِمَنْنِكَ وَكَرَمِكَ يَا ذَا الْجَلَالِ وَالْاِكْرَامِ.  
اَللّٰهُمَّ اَطْلُ عُمْرَهُمَا مُصْلِحَيْنِ لِلْمَوْظَفَيْنِ وَالرَّعِيَّةِ  
وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat seperti kemarau



panjang, banjir besar, wabak penyakit supaya dengan demikian, negeri kami akan sentiasa dilindungi dan diberkati.

Ya Allah, bukanlahlah hati kami untuk mendirikan solat fardhu lima waktu, menunaikan zakat dan kefarduan yang lain serta mewakafkan dan menginfakkan harta khususnya untuk Perbadanan Wakaf Negeri Selangor (PWS) dan Tabung Amanah Pembangunan Islam Selangor (TAPIS).

Ya Allah, peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً  
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ  
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ  
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ  
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ  
أَكْبَرُ وَاللَّهُ يَعْلَمُ مَا تَصْنَعُونَ.

\*\*\*\*\*

JAIS/Nurul  
19.01.2017